

आकाशवाणी

- प्रधानमंत्री नरेन्द्र मोदी होर 25में शंघाई सहयोग संगठन दी बैठक च सहभागिता लेई चीन तयान जिन पुज्जे।
- प्रधानमंत्री नरेन्द्र मोदी होरें अज्ज टोक्यो च 16 प्रांते दे राज्यपालें कन्नै मुलाकात किती। प्रधानमंत्री होरें उनेंगी भारत दी विकास गाथा च भागीदार बनने लेई आगृह किता।
- केन्द्रीय मंत्री पीयूष गोयल होरें पैहली तिमाही च GDP विकास आंकड़े 7 इशारिया 8 फीसद गी सराहेया ते आक्खेया जे भारत इक वैश्विक विकास ईजन ऐ जेड़ा सुधारें ते लचीलेपन कन्नै भरोचे दा ऐ।
- जम्मू खिते च दंऊ बक्ख-बक्ख पस्सियां पौने दे हादसे च 11 लोक जिस च इक परोआर दे 7 जनें मारे गे न। भारतीय मौसम विभाग नै हिमाचल प्रदेश, पंजाब ते उत्तराखंड च अज्ज भारी थमां मती गै भारी बरखें दी पेशगोई किती ऐ।
- पंजाब च केई जिलें च हाड़ दा पानी आई गेदा ते बचा अभियान तेजिया नै चला रदा ऐ।
- ते Anirudh Chandrasekhar ते विजय प्रशांत अमरीकी ओपन टेनिस दे डबल दे दुए दौर च पुज्जी गे न।

<><><><><><>

PM -China

प्रधानमंत्री नरेन्द्र मोदी होरें 25में शंघाई सहयोग संगठन दी बैठक च सहभागिता लेई अज्ज चीन दे तियान चिन पुज्जे। दंऊ दिनें दी एह बैठक कल थमां शुरु होआ रदी ऐ। सम्मेलन दौरान श्री मोदी वैश्विक नेताएं कन्नै मिलगंन ते क्षेत्रीय सुरक्षा, सम्पर्क सतत विकास ते वैश्विक सहयोग दे मुद्दे पर चर्चा करगंन। सम्मेलन च संगठन दी 25 बरे दी उपलब्धियें पर चर्चा होग ते अगले बरे दी कार्य-योजना गी अंगीकृत कीता जाग।

<><><><><><>

PM –Japan

प्रधानमंत्री नरेन्द्र मोदी होर अज्ज दंडु दिनें दी सफल जापान यात्रा दे बाद चीन लेई रवाना होई गे हे। जापान यात्रा दे पैहले दिन 15में भारत-जापान वार्षिक शिखर सम्मेलन च शामन होने दे बाद, प्रधानमंत्री मोदी होरें अज्ज टोक्यो च 16 प्रांते दे राज्यपालें कन्नै मुलाकात कीती। प्रधानमंत्री होरें राज्यें-प्रांतें दे सहयोग दी संभावनाएं गी उजागर किता। उनें सांझा प्रगति लेई 15में वार्षिक शिखर सम्मेलन दौरान शुरु कीती गई राज्य-प्रांत सांझेदारी पैहल दे तैहत कम्म करने दी गुजारश कीती। प्रधानमंत्री होरें राज्यपालें ते भारतीय राज्य सरकारें गी इस नमीं पैहल दा लाह ठोआने ते विनिर्माण, टेक्नोलोजी, नवाचार, गतिशीलता, अगली पीढ़ी दे बुनियादी ढांचे, स्टार्ट-अप ते SME दे क्षेत्र च सांझेदारी करने दी गुजारश कीती। प्रधानमंत्री होरें राज्यपालें गी भारत दी विकास गाथा च भागीदार बनने लेई आमंत्रित किता। एदे बाद श्री मोदी ते जापान दे प्रधानमंत्री शिगेरु इशिबा शिकानसेन Bullet Train थमां मियागी प्रांत दे सेंडाई पुज्जे। उनें सैमीकंडक्टर उत्पादन दे इक प्रमुख निर्माता टोक्यो Electron कारखानें दा दौरा लाया। कल वार्षिक शिखर सम्मेलन दौरान श्री मोदी ते श्री इशिबा होरें प्रतिनिधिमंडल स्तर दी वार्ता कीती ते केई समझौते पर अदान-प्रदान किता। साहड़े संवाददाता होरें दस्सेया जे एह यात्रा भारत-जापान सांझेदारी च इक नमें युग दी शुरुआत दा प्रतीक ऐ। प्रधानमंत्री नरेन्द्र मोदी होरें इक सोशल मीडिया पोस्ट च आक्खेया जे इस दौरें गी उत्पादन आक्खेया ते मेद बुज्झी जे भारत-जापान मित्री आहले समय च नमी ऊंचाईयें तोड़ी पुज्जोग।



PM-MKB

प्रधानमंत्री नरेन्द्र मोदी होर 31 अगस्त ऐतवार दिनें 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह इस कार्यक्रम दी 125मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुं'दे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ।



Puri -Energy Consumption

बंज ते उद्योग लेई केन्द्री मंत्री पीयूश गोयल होरें आक्खेया जे भारत इक वैश्विक विकास ईजन ऐ जेड़ा सुधारें ते लचीलेपन कन्नै भरोचे दा ऐ। पेट्रोल ते कुदरती गैस मंत्री हरदीप सिंह पुरी होरें आक्खेया जे देश दी सकल घरेलू उत्पाद GDP दी वृद्धि दर 7 इशारिया 8 फीसद ऐ ते इसदी ऊर्जा खपत उप्पर सकारात्मक प्रभाव पौग। नमीं दिल्ली च संवाददाताएं कन्नै गल्ल करदे होई उनें आक्खेया जे भारत च ऊर्जा दी खपत वैश्विक अनुपात च त्रै गुना मता ऐ ते सरकार शोधन क्षमता गी मजबूत करने ते हरित ऊर्जा गी बढ़ावा देने लेई केई गै पुट्टियां जा रदियां न। श्री पुरी होरें आक्खेया जे भारत दी अर्थव्यवस्था 4 इशारिया 3 ट्रिलियन डालर दी ऐ ते एदी बददी GDP दर भारत दी आर्थिक स्थिति पर पुट्टे जा रदे सुआलें दा करारा जवाब ऐ।



GDP –Relax Industry

भारत दा वास्तविक सकल घरेलू उत्पाद GDP वर्तमान वित्त बरे दी अप्रैल-जून तिमाही च 7 इशारिया 8 फीसद दी दर शा बदने दी मेद ऐ। एह 5 तिमाही चां सब्बने शा मती ऐ। पिच्छले माली बरे त्री-चौथी तिमाही च GDP 7 इशारिया 4 फीसद रेही ही, जिसलै जे पिच्छले वित्त बरे दी पैहली तिमाही च एह 6 इशारिया 5 फीसद ही। Statistics ते कार्जक्रम लागू करने आहले मंत्रालय आसेया जारी पैहली तिमाही दे आंकड़े मुताबक Nominal GDP च 8.8 फीसद दी वृद्धि होई ऐ। केन्द्रीय मंत्री हरदीप सिंह पुरी होरें इनें अनुमानें दा सुआगत करदे होई आक्खेया जे भारत सुधारें थमां प्रेरित वैश्विक विकास ईजन ऐ। विश्व दी सब्भनें शा तेजी कन्नै बददी अर्थव्यवस्था ऐ ते ओ आंकड़े शानदार न।



जम्मू खिते दे रियासी ते रामबन जिले च पिच्छले 12एं घंटे च बक्ख-बक्ख घटनाएं च 11एं लोकें दी जान जाने करी लगातार बरखा नै जम्मू-कश्मीर च परतियै कुदरती क्रोपियें गी पैदा कीता ऐ। रियासी जिले दे बददर गां च बड्डे पैमाने पर लास-पस्सियां पौने करी महौर सब-डिवीजन च इक घर तबाह होई गया, जेहदे च इक्कै परोआर दे 7

सदस्यों की मौत होई गई। दुर्घटनाग्रस्त मकान मलबे में ढबोई गया हा। इक होर घटना च रामबन जिले की राजगढ़ तहसील के द्रुपदा गां च बददल फट्टने कन्नै चंऊ लोके की मौत होई गई ते इक माहनू अजे बी लापता ऐ। बचा अभियान जारी ऐ ते अधिकारी मौके पर मौजूद न। होर जानकारी देया करदे न रामबन के

तोंआई एल.जी. मनोज सिन्हा, मुखमंत्री उमर अब्दुल्ल, उपमुखमंत्री सुरिंदर चौधरी ते होरनें मंत्रिये दवे घटनाएं पर इंहगा बसोस प्रकट कीता ऐ। इक सोशल मीडिया पोस्ट च एल.जी. होरे जानकारी दिती जे उनें वरिष्ठ अधिकारिये कन्नै गल्ल कीती ते स्थिति दा जायजा लेता। बचा ते राहत अभियान जारी ऐ ते प्रभावित लोके गी हर मुमकन मदाद दिती जा रदी ऐ।

<><><><><><>

IMD

भारतीय मौसम विभाग ने तटीय कर्नाटक, हिमाचल प्रदेश, पंजाब ते उत्तराखंड च अज्ज कुते-कुते भारी थमां मती गे भारी बरखे की पेशगोई कीती ऐ।

<><><><><><>

HP Monsoon

हिमाचल प्रदेश च मानसून पूरी चाली सक्रिय ऐ ते भारी बरखा ते पस्सियां पौने करी दंऊ राष्ट्रीय जनैली सिड़क सनें शिड़कां यातायात लेई बंद होई गेइयां न। मौसम विभाग ने अगले 3-4 दिने च राज्य के केई जिले च मौलेधार बरखा की मेद बुज्जी ऐ। बरखे करी आम जन-जीवन प्रभावित होई गया ऐ। केई थाहरे सिड़क राबता, बिजली, पीने आहले पानी की सप्लाई पूरी चाली प्रभावित होई ऐ। चम्बा जिले च भारी बरखे ते आम जनजीवन पर मता असर पेया ऐ कोई 300 सिड़क राबते अजे बी बंद न। मनीमहेश यात्रा दौरान फसे के यात्रुएं गी कड़डने दा कम्म तेज होई गया ऐ, जिस च 4 हजार यात्रु सुरक्षित कड़डे गे न ते चम्बा सुरक्षित पजाये गे न। राज्य सरकार ते प्रशासन प्रभावित इलाके च हेलिकाप्टर राएं राहत समग्री पुजा रदी ऐ। मुखमंत्री सुखविन्दर सिंह Suku होर Bharmour ते Manimahesh दा दौरा लागन ते प्रभावित लोके ने बी मिलगन ते अधिकारिये कन्नै बी हालात दा जायजा लेने गिते बैठक लागन।

<><><><><><>

Weather Exam

मौसम विभाग नै अज्जै थमां लैइयै औन्दी 2 सितम्बर तोड़ी जम्मू, कठुआ ते साम्बा च भारी थमां बड़ी भारी बरखा भरने ते उधमपुर, रियासी, राजौरी, रामबन, डोडा ते किश्तवाड़ च दर्मेयाने दर्जे थमां भारी बरखा भरने दी पेशगोई कीती ऐ। बसनीकें, खासकरियै हाड़ें ते लास-पस्सियें दी शेंका आले इलाकें दे बसनीकें गी सलाह दिती गेई ऐ जे ओ सौहगे सतर्क रौहन ते सब्भै लोड़चदे ऐहतियाती हीले करन। प्रशासन आसेया मौसम दे सूरतेहाल पर लगातार निगरानी रक्खी जाल रदी ऐ ते लोकें दी सुरक्षा यकीनी बनाने लेई बेल्लै-बेल्लै सिर महत्वपूर्ण जानकारीयां उपलब्ध करोआइयां जागंन। मौसम विभाग दी पेशगोई गी दिक्खदे होई जूनियर इंजीनियर (सिविल) दी असामी लेई औंदी 7 सितम्बर गी लैता जाना तय होए दा OMR आधारित म्तेहान अगड़ा पाई दिता गया ऐ। ए म्तेहान पैहले 31 अगस्त गी लैता जाना हा पर खराब मौसम दे चलदे इसी 7 सितम्बर लेई अगड़ा पाई दिता गया, पर हून खराब मौसम दे मददेनजर ए म्तेहान 7 सितम्बर गी बी नैई लैता जाग। जारी हुकमै मुजब इस म्तेहान लेई नमीं तरीक दा ऐलान बक्खरे तौरा पर कीता जाग ते मेदवारें गी ए सलाह बी दिती गेई ऐ जे ओ एदे लेई बोर्ड दी अधिकारिक वैबसाईट गी नियमित तौरा पर दिक्खदे रौहन।

<><><><><><>

Punjab Floods

पंजाब च पहाड़ी इलाकें थमां लगातार पानी दा अग्गे बदना राज्य आस्तै मुसीबत बनी गेई ऐ। रावी दरेया च हुने तोड़ी 14 इशारिया 11 लक्ख Cusec थमां मता पानी आई चुके दा ऐ। इस कन्नै कैई इलाके च पानी भरी गया ऐ। एह राज्य च हुने तोड़ी दा सब्भनै शा मता पानी दा बहाव ऐ। बरे 1988 च राज्य च भीषण हाड़ दे बेल्ले पानी दा बहाव 11 इशारिया 2-0 लक्ख क्यूसेक हा। पौग ते होरनै बांधे च पानी बदी गया ऐ जिसी नियंत्रित तरीके नै छोड़ना पवा रदा ऐ।

<><><><><><>

Defence Minister

रक्षा मंत्री राजनाथ सिंह होरें आक्खेया जे रक्षा क्षेत्र च आत्मनिर्भरता छड़ा इक विकल्प नैई बल्के अस्तित्व ते प्रगति दी इक शर्त ऐ। अज्ज नमीं दिल्ली च इक रक्षा सम्मेलन

गी सम्बोधित करदे होई उनें आक्खेया जे सरकार दा मनना ऐ जे आत्मनिर्भरता भारत अपनी सामरिक स्वायत्तता दी रक्षा करी सकदी ऐ। ऑपरेशन सिंदूर दी सफलता पर लों पांदे होई श्री मोदी हों आक्खेया जे एह ऑपरेशन देश दी बददी स्वदेशी रक्षा क्षमताएं दी इक मिसाल ऐ।

<><><><><><>

Vaishnav

Electronics ते Information Technoloy मंत्री अश्विनी वैष्णव हों अज्ज उत्तर-प्रदेश दे Noida च देश दे पैहले Tempered Glass निर्माण संयंत्र दा उदघाटन किता। एह संयंत्र भारत च Electronics विनिर्माण गी बढ़ावा देने ते Make in India पैहल गी मजबूत करने दी दिशा च इक महत्वपूर्ण गें ऐ। श्री वैष्णव हों आक्खेया जे भारत किश बरें च Electronics विनिर्माण च उल्लेखनीय प्रगति किती ऐ। उनें आक्खेया जे देश च इक Electronics विनिर्माण Eco-System थमां आकार लै रदा ऐ।

<><><><><><>

Railways Highway (Dispatch)

फसे दे यात्रियें दी मदाद आस्तै रेलवै नै अज्ज जम्मू थमां दंऊ बशेश रेलगड्डियां चलाइयां। एह रेलगड्डियां दपैहरी लै 3 बजे ते संजा 5 बजे रवाना होइयां। पैहली गड्डी नर्मी दिल्ली, ग्वालियर ते भोपाल होंदे होई महुऊ आस्तै चली जिसलै के दुई गड्डी लुधियाना, मुरादाबाद, गोंडा ते बस्ती होंदे होई छपरा आस्तै रवाना होई। तोंआई 26 अगस्त गी बारी बरखा दे कारण लास-पस्सियां पौने करी जम्मू-श्रीनगर जरनैली सिड़क (NH44) लगातार पंजमें ध्याड़े बी बंद रेई। सिड़क दे बंद होने करी 2 जहार कोला मतियां गड्डियां फसी दियां न, जेहदे करी ईंधन ते जरूरी चीजें-बस्तें दी कमी होई गेई ऐ। BRO दी इक टीम 24 घेंटे कम्म करी रदी ऐ ते मेद ऐ जे सिड़क पर तौले गै ट्रैफिक ब्हाल होई जाहग।

<><><><><><>

CM Evacuation

मुख्यमंत्री उमर अब्दुल्ला होंरें जिला प्रशासनें ते आपदा प्रबंधन प्राधिकरणें गी निर्देश दिते न जे ओ अपने अमले ते अधिकारियें गी जमीनी सतह पर तैनात रक्खन तां जे 24 घैंटें निगरानी दे कन्नो-कन्नी खतरे आले इलाकें थमां बसनीकें गी बेल्लै सिर बचाइयै कड्डने ते प्रभावित परोआरें गी फौरी राहत ते हर मुमकन मदाद उपलब्ध करोआना यकीनी बनाया जाई सकै। उनें मुतलका मैहकमे गी हिदायतां दितियां न जे ओ सौहगे सतर्क रौहन्दे होई आपूं-चै नेइमा तालमेल बनाइयै कम्म करन ते खराब मौसम दे दौरान कीमती मनुक्खी जानें गी बचाने लेई हर ऐहतियाती उपा गी तोड़ चाढ़न।

<><><><><><>

US Open

Anirudh Chandra शेखर ते विजय प्रशांत अमरीकी Open Tennis दे Doubles दे दुए दौर च पुज्जी गे न। भारतीय जोड़ी नै 8मीं वरीयता प्राप्त अमरीका दे Christian हैरिस ते इवांग किंग गी हराया। उनें 3-6, 6-3, 6-4 कन्नै जित हासल कीती।

<><><><><><>